

DFF – Adriatic Metals

Država:
Bosna i Hercegovina

Broj Projekta:
52342

Poslovni sektor:
Prirodni resursi

Vrsta:
Privatni sektor

Okolinska kategorija:
B

Datum Upravnog Odbora:
06 oktobar 2020

Status:
Potpisano

Datum objave PSD-a na engleskom jeziku:
27 oktobar 2020

U skladu sa stavom 2.6 Odlomka III Politike pristupa informacijama, objavljivanje ovog PSD-a odgođeno je u skladu sa stavom 1.4.4 Direktive o pristupu informacijama.

Opis Projekta

EBRD je upisala 2,6 posto vlasništva u Adriatic Metals PLC-u uz ulaganje od 6,2 miliona GBP (6,84 milijuna EUR). Finansiranje Banke podržat će kompaniju u prelasku sa faze istraživanja u fazu razvoja rudnika. Prilivom od uplate kapitala Banke finansirat će se inženjerske i ekonomske studije kako bi se dovršila izrada investicijske studije izvodljivosti (BFS) i povezani troškovi predrazvoja u prvoj polovici 2021 godine za eksploataciju ležišta minerala Vareš, koji se nalazi u Zeničko-dobojskom kantonu i koje ima povijest eksploatacije minerala više od jednog stoljeća.

Ciljevi Projekta

Uprkos dugoj povijesti istraživanja i informiranju investitora, BiH se u posljednja dva desetljeća borila da privuče investicije u rudarski sektor. Adriaticov projekat je jedna

od izuzetno rijetkih direktnih stranih investicija u rudarstvo i ima snažnu podršku države. Također, lokalne zajednice Zeničko-dobojskog kantona pružaju snažnu podršku jer će Adriatic raditi po najvišim ekološkim i socijalnim standardima i otvarati nova radna mjesta i poslovne mogućnosti na lokalnom nivou. Štaviše, rudarski sektor u regiji će ostvariti korist od Adriatica koji uvodi savremene metode istraživanja, upravljanje projektima i procedure zaštite zdravlja i sigurnosti na radnom mjestu.

Banka će, paralelno s ulaganjima poznatih međunarodnih finansijera u rudarstvo, finansirati predradnje i istraživačke radove na projektu Vareš.

Tranzicijski uticaj

ETI: 60

Primarna kvaliteta: Konkurentnost: veća konkurencija u projektnom sektoru

Tokom posljednjih 20 godina direktna strana ulaganja u rudarski sektor BiH su bila ograničena. Projekat otvara mogućnost ne samo za privlačenje kapitala, već i za ulaganje u modernu opremu i procese, uvođenje najboljih međunarodnih standarda razvoja i upravljanja modernim rudnikom te povećanu sofisticiranost donošenja menadžerskih odluka. Kada postane operativan, Projekat će predstavljati novog učesnika u sektoru.

Sekundarna kvaliteta: Inkluzija: otvaranje mogućnosti za osposobljavanje, zapošljavanje ili poduzetništvo

Očekuje se da će Adriatic zapošljavati, razvijati i obučavati lokalne radnike iz oblasti geologije i upravljanja rudnicima. Projekat će stvoriti mogućnosti za učenje u zajednici Vareš u Zeničko-dobojskoj regiji i uključivat će saradnju s lokalnim obrazovnim institucijama.

Informacije o Klijentu

ADRIATIC METALS PLC

Adriatic Metals PLC, sa sjedištem u Ujedinjenom Kraljevstvu, je dvojno-listana (ASX: ADT i LSE: ADT1) kompanija za istraživanje minerala i razvoj, fokusirana na napredovanje projekta postojećeg polimetalnog rudnika (srebrno-cink) u Varešu u Bosni i Hercegovini, koji je u 100%-tnom vlasništvu kompanije.

EBRD Finansiranje

GBP 6,200,000.00

Upis emitovanih dionica u iznosu do 6,2 milijuna GBP (6,84 milijuna EUR).

Ukupni troškovi Projekta

GBP 31,000,000.00

Dioničko ulaganje Banke izvršit će se paralelno s drugim ulaganjem u kapital / kvazi-vlasničko ulaganje koje je Adriatic privukao na tržištu, kao i vlastitim sredstvima kompanije.

Dodana vrijednost

Ublažavanje rizika: S obzirom na nisku stopu direktnih stranih ulaganja u BiH, posebno u rudarskom sektoru, Bančino učešće može ublažiti potencijalne nefinansijske rizike, poput regulatornih i političkih rizika u zemlji, koji su trenutno povišeni zbog predstojećih izbora na lokalnom nivou.

Postavljanje standarda: podrška projektima i klijentima da postignu više standarde: Kompanija će se pri tome oslanjati na stručnost EBRD-a pri informiranju i vođenju procesa identifikacije i upravljanja procjenom ESG rizika. EBRD i klijent dogovorit će Akcioni plan za okoliš i socijalna pitanja prije potpisivanja Ugovora o upisu, a isti će uključivati ključne korake za usklađivanje poslovanja kompanije sa EBRD zahtjevima u pogledu okolišnih i socijalnih pitanja.

Okolinski i socijalni sažetak

Kategorija B (2019 ESP). Korištenje sredstava kapitala nije povezano sa značajnim okolišnim i socijalnim (E&S) rizicima i uticajima i stoga se svrstava u kategoriju B. Međutim, svaki daljnji razvoj rudnika u Varešu mogao bi biti kategoriziran kao A i zahtijevati ESIA.

Uslov finansiranja vlasničkim kapitalom zahtijeva da Kompanija uskladi sve svoje aktivnosti sa EBRD zahtjevima za E&S. To uključuje zahtjev za izradu i objavljivanje ESIA za bilo koje projekte kategorije A u odgovarajuće vrijeme u vremenu razvoja rudnika.

Izrađen je ESAP koji će biti usaglašen s Kompanijom kako bi uskladila svoje poslovanje sa EBRD zahtjevima za E&S.

E&S dubinsku analizu (*due diligence*) proveli su ESD i konsultant. ESDD je zaključio da Kompanija ima uspostavljene odgovarajuću korporativnu predanost, kapacitete, resurse i iskustvo za upravljanje potencijalnim E&S rizicima i utjecajima povezanim s korištenjem udjela u kapitalu, kao i budućim razvojem rudnika. Kompanija je započela postupak procjene uticaja na životnu sredinu i socijalna pitanja (ESIA) prema međunarodnom standardu ESIA-e, koji bi se trebao završiti 2021. ESD će surađivati s Kompanijom kako bi se osiguralo da ESIA ispunjava provedbene zahtjeve, da bude objavljena i predmet konsultacija, uključujući i objavu na web stranici EBRD-a. Za upravljanje E&S rizicima povezanim s rudnikom, Kompanija treba pripremiti formalni sistem upravljanja E&S. HR odredbe su uspostavljene i uz određena poboljšanja udovoljit će zahtjevima PR2.

Razvoj rudnika može biti povezan s rizicima od onečišćenja. Oni mogu biti povezani sa industrijskim postrojenjima i potencijalnim problemima onečišćenja. Kompanija provodi istraživanja i izradit će kontrole za rješavanje rizika od korištenja vode i

onečišćenja, uključujući rizike od prethodnih rudarskih aktivnosti. Na starom površinskom kopu Veovače nalazi se odlagalište otpada (TSF). Kompanija procjenjuje integritet TSF-a zajedno s rizicima onečišćenja za potencijalnu upotrebu u rudniku Vares.

Otpad će se u početku odlagati pod zemljom na Rupicama, a kasnije u postrojenju koje će se izgraditi u blizini Veovače. Ovo postrojenje može uključivati postojeći TSF i gradit će se i raditi u skladu s međunarodnim standardima.

Rudnik se nalazi u rudarskom području, ali koje je također naseljeno. Kroz izradu projekta Kompanija nastoji izbjeći utjecaje na zajednice. Svi rizici zaštite i zdravlja na radu u zajednici bit će na odgovarajući način pokriveni ESIA-om. Angažman zainteresiranih strana istaknuo je neke nedoumice u vezi s naslijeđenim zagađenjem i to se razmatra kroz procjenu utjecaja na zdravlje. Očekuje se da će budući razvoj rudnika zahtijevati određenu akviziciju zemljišta, kako državnog tako i privatnog.

Plan preseljenja će se izraditi u sklopu ESIA kako bi se riješili potencijalni problemi preseljenja i kvalitete života. Područje se ne proteže ni u jedno zaštićeno područje, ali u toku su istraživanja s ciljem karakterizacije biološke raznolikosti i provođenja potrebnih procjena. Angažman zainteresiranih strana je počeo i plan angažmana zainteresiranih strana je izrađen, kao i odbor za odnose s javnošću.

Više informacija o aktivnostima kompanije možete pronaći na web stranici:
<https://www.adriaticmetals.com/>

Tehnička saradnja i grant sredstva

n/a

Kontakt informacije Kompanije

Dominic Roberts, Head of Corporate Affairs
dominic.roberts@adriaticmetals.com
+44 (0) 207993 0066
www.adriaticmetals.com
Adriatic Metals PLC, Regent House, 65 Rodney Road, Cheltenham, GL50 1HX

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo posjetite stranicu [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Posebni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani provedbeni zahtjevi (PR) utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku

za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerojatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnoj i socijalnoj politici](#) ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.